

陶

齋

臧

石

記

句齋臧石記卷二十五

唐九 偶燕州

張璪墓誌銘

石高一尺六寸四分廣一尺七寸七分
二十四行行二十五字界有棋格正書

大唐清河張府君墓誌之銘 并序

奉義郎前行儀王府兵曹參軍張晏撰

公諱璪字承宗清河東武城人也弧星命氏鵲印傳芳歷三代以
相韓因五星而輔漢可謂廿載其美矣曾祖淵隨開府儀同三司
江南遼東二道行軍總管衛尉卿上大將軍文安縣開國公食邑
壹千戶謚曰庄德懋懋官功懋懋賞勲賢之業克備于茲祖孝雄

唐尚輦直長湘源縣令鄴府司馬鳳輦是司鸞犀作化以資佐理
實在題輿孝敬之侍御史司勳郎中軋封縣令漢州刺史太府卿
禮部侍郎栢署霜威肅衣冠於

北闕含香伏奏振起草於

南臺三異久聞六條逾闕愷司出納光我禮聞公即侍郎公之元
子也弱歲以宿衛出身中年曰常調縻職授秦州叅軍事子卿之
秩未展驥於長衢王佐之才且恭名於州縣方將陟遐自述必復
於公侯甯謂夜壑舟移遽先於風燭秀而不實良以悲夫以神龍
二年十一月十一日终于東京溫柔里之私第享年叁拾有陸夫
人瑯琊王氏祖方茂伯祖方慶唐中書令同中書門下平章事承
相門之慶緒得女則之深規識稟天資禮踰師訓貞芳懿範穆以

姻親服漸齋心恭於祠祀將福壽於餘慶何積仁而不昌以開元
拾柒年柒月貳拾伍日遘疾終于東京壽安縣之別業享年七十
有二並以天寶十二載二月十二日同歸祔于京地府金城縣三
陂鄉舊塋東北卅二步禮也嗣子恒前饒陽郡鹿城縣丞行為物
範材實天經徒積慕於高堂竟流悲於風樹九原長往萬古何追
痛泣血以銜哀期貞石以表德俾余作言用紀玄扃者歟其銘曰
鍾鼎承家軒裳祖德相韓繼代輔漢表則勲賢克備邦家允塞
弄華傳芳威儀不忒邈哉懿範寔曰哲人才標吐鳳業著成麟一命
非偶二豎何親舟移夜壑年夭青春中野言歸卜宅于此日下荒
隴煙埋萬里颼颼松風哀哀孝子昊天同極生涯已矣

右按唐書無璲傳宰相世系表有清河房亦無璲名元和姓

纂云黃帝第五子青陽生揮為弓正觀弧星始制弓矢主祀

弧星因姓張氏宰相世系表略同搜神記張顥為梁相新雨後有鵲

飛翔近地令人摘之墮地化為圓石顥命椎破得一金印文

曰忠孝侯印文之弧星鵲印二句即隸此事淵即淵字唐人

撰文應避高祖之諱唐修諸史或避淵為抑以其官於隋代

臨文不諱故耶思之殊不得其解檢隋書卷六十四張奩傳

清河人言賀若弼之鎮壽春恒為間諜平陳之役頗有功焉

進位開府儀同三司封文安縣子開皇十八年為行軍總管

從漢王諒征遼東奩眾獨全有子孝廉稽以此誌言淵為開

府儀同三司江南遼東二道行軍總管文安縣開國公雖與
齋傳小異而官閥相似其子孝雄又與齋傳有子孝廉為同
輩行竊疑淵即是齋而未得確證及考之北史卷七十八齋
傳言本名犯廟諱知齋果名淵唐之修史諸臣因避諱改淵
為齋頗怪長孫無忌於隋書齋傳不著其事幸李延壽北史
特揭五字曰本名犯廟諱始恍然於隋書北史之齋即淵也
北史本傳又有諡曰莊三字與此誌無不相合又其官階若
江南遼東二道行軍總管開國公等舉足補史所未及此石
之出稽之於史互得其證可謂毫髮無憾為著錄之一快事
矣唐書百官志尚輦局直長三人注龍朔元年改尚輦局為

奉輦局無直長之名孝雄之官自在龍朔之前故其名未改
湘源縣唐書地理志屬江南道永州又隴右道鄯州下都督
府百官志下都督府上司馬一人從五品下孝雄之官鄯府
司馬謂鄯州都督府之司馬也乾封縣屬河南道兗州漢州
屬劍南道俱見唐志侍御史太府卿並著於百官志題輿為
陳蕃事見輯本謝承後漢書含香見沈約宋書百官志與三
異魯恭傳六條蔡質漢儀均切侍御史郎中縣令刺史而言文云璫
為侍郎公之元子弱歲以宿衛出身按唐書百官志禮部侍
郎一人正四品下又言武德貞觀世重資蔭二品曾孫三品
孫四品子補勳衛及率府衛璫為四品侍郎之子例得以資

陰補勲衛及率府親衛文統言之曰宿衛也文言夫人王氏祖方茂伯祖方慶方慶唐書一百十六有傳方茂名見宰相世系表而未紀其官閭文中紀數有叁拾陸柒貳伍等字皆武后新改顧氏炎武金石文字記考武后所改數目之字皆見於古書先此程大昌演繁露論之亦詳惟舊唐書睿宗紀先天二年三月癸巳詔制勅表狀書奏牋牒年月等數作一十二三十字據此則前之紀年皆用武后所制之字可知但神龍在先天前記璽之卒年叁拾有陸尚無可議至開元拾柒年已在先天改字之後而亦仍用舊字與神龍二年天寶十二載諸數目字復參錯不倫殆書者隨手寫石未可盡

以唐制覈之文云東京壽安縣唐書地理志壽安縣屬河南
府按河南府唐顯慶二年曰東都光宅元年曰神都神龍元
年復曰東都天寶元年曰東京璿卒於開元時準以史例當
書為東都壽安縣不當言東京撰文者之不審於此可見唐
志京兆府無金城縣惟興平縣下注云景龍二年太平寰宇
記宋敏求
長安志均
作四年中宗送金城公主降吐蕃改曰金城至德二年更
名又饒陽郡唐為深州有鹿城縣天寶十五年改為東鹿璿
之葬年在天寶十二載興平東鹿未改之先自為金城鹿城
也宋敏求長安志卷十四興平縣下自注云唐二十鄉有扶
風鄉湯祠鄉餘不傳今按此文有三波鄉可以援畢氏新校

正例補入以廣異聞若撰文者張晏之仕履唐書宰相世系表張氏始興房有晏名注韶州判官晏蓋先仕王府後為判官唐志王府官屬兵曹參軍掌武官簿書考課儀衛假使又文階二十九從六品上曰奉議郎又十一宗諸子傳儀王璵為元宗子開元十三年封開元後皇子多居禁內既長詔附苑城為大宮分院而處號十王宅府幕列於外坊歲時通名起居儀王居十王之列未作外藩晏官故仍居京師也此志寥寥數百言其名字官職輿地事蹟皆足涉人尋索既挈其要領遂為觀縷考之如此

王晉等造佛菩薩像

石高二尺八寸寬一尺六寸二分各面鑄佛像一行佛像上造塔記二十一
佛像上字十行六字字徑九分一面佛像上造塔記二十一
行行十二字及佛像有題名並字徑六分並正書

千百億化身釋迦牟尼佛

大慈大悲迦葉菩薩摩訶薩

大慈大悲無盡意菩薩摩訶薩

此行後空一行

亡過祖諱□供養

亡過祖母壠西李氏供養

右一面

石經中臺

下初

石經者□□□□之□□□□之上靈□□□□□□經

明□□□□□□□□□□臺□□吾師□□□□□□□

浮圖凌霄□□□□□惟中臺嶄巖宛然□□□狀公諱晉□
 □人也桂冠辭代孝□□□福於金巖恐先□□□發
 菩提志□□人以米粟衣資造九級浮圖□於中臺也夫米粟者
 曾祖父母產業之出也衣資者亡妻之□也□圖相好端嚴□
 □□□□□諸□□□□□真容□□於迷
 津法雨於火宅□□□□□□□□□□
 □□不朽□□□□□□□□□□□□六
 道

天寶十二年十月廿二日造
已上二十一行在佛像上

□弟子□□娘供養
此二行在佛右侍者右方

圓滿□□□□□浮圖主王晉供養此四行在佛像右方左侍者右方亦有字泐甚不可辨 右一面

按王晉等造像凡三石二面鐫刻款式略同而晉之名及年月則此石獨詳其一面石經中臺云云不知何謂後文有云浮圖凌霄又云以米粟衣資造九級浮圖則仍是造塔記耳

優婆婁段常省塔銘

石高七寸七分寬一尺一寸六分半十六行行十一字字徑分止書

唐故優婆婁段常省塔銘

并序

蓋聞宿殖勝因生逢政教仰尋師友意達直心學普教法門慕不輕密行貞心守志塵俗不汚其情性等虛空證真如之境獨拔愛

綱歎廿榮華菩薩堪雄悲重迦丈之妙典火宅之內駕馭三車捨
內外之財望三祇願滿春秋七十有六以天寶八載九月十日卒
於私第捨報歸林以天寶十二載建塔於茲知神魂而不固其詞
日女劉三娘達妙慧歸真德超上智慈悲起行忠孝無二敦故
重新心存劉□宿殖德本動靜合理

士端按金石諸書未著錄書法近褚登善阮氏小滄浪筆談引
祖庭事苑云梵言貧婆華言叢林梵言優婆塞華言善士中州
金石志跋齊天統造象記云菩薩字即菩薩一切經音義作扶
薛蓋聲之轉六朝隋唐皆作薩不從產猶見古義

朱士端宜祿
堂金石記

按拓本第七行菩字泐据宜祿堂金石記補注朱氏所据當

是舊拓菩薩埵當作菩提薩埵翻譯名義菩提名佛道薩埵
名成衆生天台解云用諸佛道成就衆生故名菩提薩埵賢
首云菩提此謂之覺薩埵此曰衆生以智上求菩提用悲下
救衆生故曰菩薩埵悲建塢人劉三娘書名銘詞之前詞
曰之後誌銘中此例僅見再此銘並為趙之謙著錄

釋慧沼等造石橋記

石右及下方俱有缺蝕高約四尺許廣約二尺存十七行字數不等正兼行書

上識 □ 下 拒濟以日以月 下 鮮有敗績 下 和上諱玄字慧沼 下

城貴族曾祖役 下 □ 軸皆注水不竭釋冰 下 早寵遇親承 下 速澄

什各一時 下 非善不作屢觀崇建斯三其宜以天寶十載三月三

日□□奉

邑宰李

□許以大設

下

樂之眉壽者老小大之

下

祝

涵化克昌宰輔忠肅

聖謨潛運

日用不知樂遂生成喜登仁

壽其□煙雲醴露草木龍

□□

充圖物諫超三

□

下

天子之德

缺

也惠施普禮相與吏黠者摘人姦者扶之目無全牛理去□□吾

宜□之賢良也法相序信才

才

□□

□□

下

也穆相守九族和平而

父子夫婦之則又吾徒百姓之肥也夫如是側□

皇

□□

酣

薰風下上宜一魚鳥咸若不然□

下

議石檣之事乎向使陟巖

造雲伐林通谷鑿山開地以奠貞珉不

□□

明白今神心

□附石

踴近坑神人相扶功力

□□

省豈非以一誠而致耶其載自正及

夏天則不雨架木施石故就厥功朝畢而夕雨溢溪繞成而畧刻

夏天則不雨架木施石故就厥功朝畢而夕雨溢溪繞成而畧刻

夏天則不雨架木施石故就厥功朝畢而夕雨溢溪繞成而畧刻

雷作若石不中合木泛星查無□此又奇點也於是劉守良劉嘉
祥劉雷高謹等節一社之費增萬錢之餘以購能文刻刊貞珍僕
雖不敏公嘗詞翰紀善標□□相託庶陵谷有從而金石冬缺
敬為頌曰

丘永言循業誰嗣弓裘昔□□之金雀山下我桑梓沃我原野

溪谷闕裂周迴間社乃命石人工求匠者_{其二}匠人伊何鑿之登之

石□構矣不騫不崩_{其三}誰不嗟稱_其猗眾君子克成于□

懿歟婦人言定其始神心允答人六勤□□構繞成木便漂矣_{其四}

言之不出恐貽恥□□□□□不欽崇敬宣銘述永贊_{其五}無窮

元建橋大施主僧元暎
施橋□幢□石主劉琛
天

寶十三載八月十五日建

建二石橋立碑造浮畱主劉靈光

右據石文似為僧募建石橋而劉守良等歛錢求能文者撰為此記撰者姓氏蝕去不著但云忝嘗詞翰而已記略言采石出自近坑橋成而雷雨間作以此頌神之功刊石紀美惟言懿厥婦人言定其始則建此議者婦人惜石殘裂不見其所以然頌云鷹維尚父亦封營丘永言徭慕誰嗣弓裘又似此橋之建為齊太公之裔力所贊成以其文既缺不能臆決僅舉大要如此

崔克讓墓志

石高九寸九分寬九寸七分十七行行二十字字徑三分體正書

大唐故定州都尉知隊使崔府君墓誌銘并序

府君諱克讓字振元其先洛陽人也 曾祖範仕隋為都護隱鄩
虛名高懷其志上幸江都因官遷家今遂揚州人矣 祖世雋入
唐初□治中□進岐州刺史勵精圖治仕共欽仰 父文□諫議
大夫協時匡政直言無遺 府君少閑書劍投筆從戎為安西副
大使來公所重隨在戎幕推誠心腹于茲累載初年為司戶遷都
尉知隊使丁母憂未上不幸染疾藥石無靈于天寶十三載甲午
十月二十日奄終揚州江陽縣德政里私第春秋四十有三 夫
人清河張氏貞明柔順婦德無虧生二子一女長曰守訓次曰慶

哥女適姚尚書次男子女等泣血號訴卜地吉辰以十四載已未
二月十六日葬于城東嘉寧鄉之原禮也故刻茲石以記乃為銘
曰

蒼天何為 殲及崔君 胸羅大志 忽迹劍沉 月照松丘
風搖栢嶺 卜葬平原 孤幼淚血 千秋萬代 分邇芳 一

□玄堂而□別

右墓誌云崔君少閑書劍投筆從戎為安西副大使來公所
重隨在戎幕于茲累載按新唐書來頭傳父曜開元末持節
碩西副大使四鎮節度使著名西邊終右領軍大將軍舊書
開元十八年為鴻臚卿同止員此誌所稱來公即來曜也崔君卒
安西副都護餘與斯書同

於天寶十三載年四十有三滯其策名戎莫適值安西持節
之年呂時代攷之亦脗合矣

韋瓊墓誌銘

石高一尺五寸一分微強廣一尺五寸
二分二十行行二十字界有棋格止書

唐故武部常選韋府君墓誌銘

并序

廣文館進士范朝撰

君諱瓊字瓊京地杜陵人也漢葉崇盛丞相乃擅其名

唐業

克昌道遙遂因其号君之苗稟即其後也

曾祖元整

皇

中大夫使持節曹州刺史上柱國

祖絀

皇益州成都縣

令父景皇廣平郡肥鄉縣令並箕裘嗣業考治克傳殷仲父

之風流潘安仁之令譽君幼年好學書劍兩全夢郡說之登科第
班超之投筆封侯未就遘疾俄臻神草無徵靈芝靡驗以天寶四
載十二月廿九日終于濠陽郡九隴縣之私第春秋卅有六嗟乎
梁木斯壞哲人其萎繼婦罷機春人不相以十四載五月十三日
卜塋於長安縣永壽鄉畢原附先塋禮也南臨太一北帶

皇城地勢起於龍鮑山形闢於宅地消子署居喪有禮毀瘠幼
勞泣血三年絕漿七日輜車永掩莫徹長施恐筮短之龜長懼陵
遷而谷徙式鵠貞石用紀芳猷乃為銘曰

帝堯之衷豕韋之枝溫恭其德淵慎其儀佳城鬱々王泰雖々月
懸新塋松趾舊碑墳塋改變陵谷遷移万古幽室滕公遷斯

右誌趙氏之謙已著錄韋瓊字與名同若蔡興宗字興宗之
例甚繆漢之丞相指韋元成唐書宰相世系表韋氏有逍遙
公房為周韋賈之後後周書韋賈傳明帝即位禮敬愈厚勅
有司日給河東酒一斗號之曰逍遙公按此乃旌隱士之號
非爵也至唐有逍遙公房誌云唐業遂因其號謂此世系表
有元整名官曹州刺史元和姓纂同其祖緄父景表皆未見唐書
百官志從四品下曰中大夫武德元年改太守曰刺史加使
持節又勳級十有二轉為上柱國元整之官級悉與志合書
劍兩全隸項羽事今即全葵即葵字輕也瓊未登第故云據
唐書百官志天寶十一載改兵部為武部瓊葬於十四載撰

文者據其改制時言之唐地理志彭州濛陽郡領縣四首九隴屬劍南道宋敏求長安志長安縣唐五十九鄉無永壽鄉此亦可據畢氏新校正例補入此名太一一名終南在萬年縣之南畢原在縣西南二十八里唐萬年咸陽兩縣皆在皇城郭外故志言南臨太一北帶皇城也惟韋之受姓元和姓纂言顓頊氏之後大彭為夏諸侯彭子受封豕韋周赧王滅之以國為氏宰相世系表謂夏少康封其別孫於豕韋不言為彭子漢書韋賢傳載其諫詩亦云肅肅我祖國自豕韋銘言帝堯之裔豕韋之枝帝堯事未詳所出尚俟別考博物志公卿送夏侯嬰葬至東都門外馬不行踣地悲鳴掘得石槨

銘曰佳城鬱鬱三千年見白日吁嗟滕公居此室銘詞其中
數語取此唐之選舉有文武兩選文歸吏部武歸兵部見選
舉志嘉興沈氏濤據唐六典唐會要考知唐制吏兵二部選
人有放選優與處分者其非優於處分者則謂之常選猶依
常例銓選之意見常山石志卷五又選舉志天寶九載置廣文館於
國學以領生徒為進士者百官志廣文館博士四人助教二
人掌領國子學生業進士者瓊之武部常選及撰文之范朝
廣文館進士俱非實有職官中第之倂瓊既為逍遙公後而
不避賈之嫌名殊所未喻葉即葉之別體所以避太宗世字
之諱文中郡縣俱見唐志故不贅錄

淄川郡東界劉□村石橋碑

碑高約存三尺一寸廣三尺六寸許中復斷缺上截中四似整
去碑頭者上截遠象十二人標題正書記在下截行書

比丘僧慧□

□□僧慧□

比丘僧慧肱

比丘僧慧福

比丘僧崇行

天□供養

大□供養

國仁翻經沙門慧如

比丘僧玄覽

比丘僧慧冲

比丘僧慧明

比丘僧慧月

大唐淄川郡東界劉□村石

下缺

粵六合之大也

天子

下缺

之霸主封圻昔大□今今

下缺

草而邑居驟遷今為淄川

下缺

深懷拯物者規勅於造

下缺

溢轉無滯軌去有捷

下缺

功大力微費深用博

下缺

字缺二 ☐ 聲同響應

下缺

舉 缺五字 畢 下缺

設齊趨 ☐ 下缺

津梁志唯利 下缺

表四柱於 未下缺

齊四尸 ☐ 下缺

塵蕩於 下缺

☐ 其 ☐ 下缺後二行全泐

多 下缺

又一石

像碑在方下半截

上缺

□人皆供

上缺

□□□□□□

上缺

不可勝紀者

上缺

□泊縣長□吏之明

上缺

獲窘□□不暇安敢

上缺

堯通□□具以竭精

上缺

□九仞將覆良可□異

上缺

合頌歌敢肆衆賓以禮

上缺

帝今但淄流其于以居

上缺

□伏海若超捏車徒接武

上缺

□成實多其功願脩□翰敢

施地主劉四朗

王晉等造佛菩薩像竝感愿文

石高二尺四寸七分寬一尺五寸二分面刻一面佛像一面佛像一軀二侍者上截字十行行六字字徑九分一面佛像二軀右截字二行字徑六七分左截字七行字徑五分有基格竝正書

當來下生弥勒尊佛

大慈大悲無量力菩薩摩訶薩

大慈大悲地藏菩薩摩訶薩

□過父諱固供

此行上一行

□□母玉田榮□□養右一面

感恩文

余 慈親二品孫樂安孫氏量必

天合器与代殊惟德是脩惟明是貴不以榮華為樂不以豪貴為
雄澄心如不戴之門求真習道 慈親春秋卅有九以天寶十一

載夏六月庚寅大漸弥留徵方勿樂薨於別業神容儼然不知何
賢人變易生死也 父庸 慈親先廿有恨未亡遂捨雄豪發誓

提志誓首以信微妙法清淨操心造九級浮圖安中臺也嗟乎閑
予不祐早違軋景外臨陰儀內缺英二妹幼小花萼偏遺雖活明
時毀滅無異 父以英弟妹偏露驚遑匪宜遂皆繼親北平縣君

弘農楊氏性敦柔潔膺錫中和花萼痛聞歸天擗踴刻銘徵志以布腹心

導師菩薩晉先亡妻二品孫樂安孫氏供養

此二行在佛像右旁

虛空藏菩薩晉女春娘女鸞娘為亡母供

□ 此二行在佛像左旁

六姨玉田榮氏男女等供養

七姨玉田榮氏男女等供養

此二行在前二行之上

張令忠妻謝男敬仙敬賓敬暉同供養

此三行在威悉文左方下
角張字与威悉文第十五

行痛字也

右文云二品孫樂安孫氏碑文稱敘嬪人於某貫某氏上冠以任官其夫之秩耶抑其外氏之秩耶此例殊虛見按新唐

書選舉志唐制三品已上任曾孫五品已上任孫孫降子一等曾孫降孫一等贈官降正官一等死事者與正官同又石文用天字者裸矣此獨於天字提行頂寫以示尊崇亦例之創者文中追述樂安孫氏卒於天寶十一載此造像竝文作於天寶十一載已後大約相距數年不能定其為何年也已下兩造像竝同時作

王晉造佛菩薩像竝李時用德政記

石高二尺八寸寬一尺五寸二面刻一面佛像三軀上截字九行行六字字徑七分一面佛像二軀兩刻字各二行字徑一寸強弱不等上截李時用德政記十六行前三行行十字中十行行十五字後三行行十一字字徑六分竝正書

西方極樂世界阿彌陀佛

大慈大悲觀世音菩薩摩訶薩

大慈大悲大勢至菩薩摩訶薩

亡過曾諱信

此一行上

亡過曾母彭城劉氏供養

右一面

救釋菩薩晉長子英次子萱次子董為母供養

二行在佛像右旁

善讀菩薩晉弟北弟光妹五娘供養

二行在佛像左旁

朝散大夫守歸德郡太守兼諸軍事耆國公上柱國李

公諱時用武可濟代文以匡人刑示蒲□駟鷄政令寮庶畏愛何

賢如之英與公賢愚之道或萬有一通而貴賤之階□天將地公

德凝淮海祿重丘山但竊慕公侔時濟代之風潛窺為政未嘗見

公臨人有一獄不慎有一訟不審有一屈可謂德政也公為國安

人雅風訓俗至於詞人才子渴詠公雄文碩德洪儒□□□□
□□遐迩洋洋乎盈耳也□□□□□□瞻應分澄寶劍之光奸
□□□□□□君人之惠□□□□□□不揆庸微敢□□□
□□□□以示將來右一面

按李時用德政記揭銜守歸德郡太守唐以隋遼西郡地為
燕州或為歸德郡通典天寶元年改州為郡刺史為太守記
作於天寶十一載後正州改為郡時也

陸振威夫人王氏墓誌銘

石縱橫各八寸四分共十八行行十八字正書

唐故青州叅軍都知兵馬使陸府君

夫人太原王氏墓誌銘

并序

夫人王氏太原人也。高曾祖考代有芳名，為時所重。夫人乃瑾文公之三女也，貞明柔順，婦禮無虧。年方及笄，歸于陸氏君子諱振威，即珍甫公嗣子。少閑書劍，長而好兵，為河源軍經略使。田公所厚，隨在戎伍，推為心腹。凡處事精詳，補充為將，不幸染疾，于至德二年丁酉三月六日，終于青州公館。夫人慟絕，主喪遠扶靈櫬，至于惟揚，正期撫育孤幼，志至成立，奈何天奪其壽，于乾元元年戊戌四月十三日，奄終揚州江陽縣育賢里私第。春秋五十有三，所生一男，曰文伯，年尚未冠，罹此□凶，哀毀泣訴，以其年十月五日，卜葬城東嘉甯鄉五卞村之原，與先故府君同歸而合祔。

焉礼也故刻貞石銘曰

天胡不仁 流毒禍殃 府君逝矣

夫人繼傷 松丘颺々 冥路茫茫

玄堂一閉 永別泉鄉

誌稱振威為河源軍經略使田公所厚案唐鄯州鄯城縣有河源軍見新書地理志通鑑於乾元元年書吐蕃陷河源軍者是也惟振威卒於至德二年而已為田公所厚則田公資望當遠在前攷唐書列傳如魏博節度田承嗣諸人及田頔田神功等事蹟皆在其後而田仁會父子又皆在其前且皆不言為河源軍經略使則此所謂田公不知果指何人唐自

天寶三年改年為載至乾元改元始復稱年此誌書至德二載作二年蓋誤誌稱終於青州公館或謂公館之稱唐時有之則其名已古余案顏真卿殷君夫人碑亦云卒於□尉之公館青浦王氏以為舛見今此誌已在其前王蓋未之見耳然不知此二字實出禮記曾子問記云公館復私館不復凡所使之國有司所授舍則公館已又云公館與公所為曰公館鄭注孔疏釋之極詳是又不始於唐也何王氏亦未之見乎誌中所舉揚州地名如育賢里嘉甯鄉五卞村近年誌石出揚者率同此地有近人所作唐洪夫人張氏墓誌跋尾亦詳攷是地茲摘錄於此跋云光緒二十年三月揚州舊城濬

河獲此石於務本橋南誌云終于江都縣贊賢里河界之私第據唐董惟靖墓誌亦稱贊賢里田府君及田君夫人冀氏兩誌則云贊賢坊吾鄉江都梅氏釋之云案新書地理志云江都東十一里有雷塘蓋唐時江都縣治在雷塘之西今日郡城之西北贊賢里昔在城中今在城外又楊吳天祚二年造象云右街右南巡贊賢坊市北界攷楊吳建都揚州其右街右南巡蓋即金吾城內金吾巡緝之街兩贊賢坊當是一地此梅氏釋贊賢坊之詞也蓋贊賢坊即贊賢里據天祚造象則贊賢里有街據此志河界之文則里又瀕河雖其地無攷然在唐代縣城中必在今雷塘以西平山堂之西北誌又

云安晉於江陽縣郡城之東嘉甯鄉五乍村據嘉慶揚州府志謂唐貞觀十八年長史李藻奏割合清渠以東九鄉設立江陽縣攷合清渠在今雷塘西蓋雷塘東南之地皆江陽縣所轄嘉甯鄉殆亦九鄉之一又嘉慶志載江都有宋胡安定配趙夫人墓注引舊志云在嘉甯鄉是宋時猶有此名明嘉靖維揚志則無之矣省志謂江都舊轄二十五鄉有齊甯永甯諸名亦無嘉甯然證以此誌出土之地則今郡城舊城西北當為唐嘉甯鄉至於五乍村之地則唐彭城劉府君及夫人兩誌所敘並與此誌同惟東海徐府君夫人劉氏誌云合祔於楊子縣曲江鄉五乍村則此村又屬曲江鄉與此誌殊

今攷新書地理志云貞觀十八年析江都置江陽縣雍正府志云在郭下與江都分理唐以江都江陽同治揚州城與今江都甘泉同治郡城者相同惟據嘉慶志謂李藻奏割合清渠以東立江陽則江陽所轄之地必在唐州城以東又舊書地理志云揚州大都督府楊子縣永淳元年分江都縣置原熙江都縣志云楊子津即楊子橋舊楊子縣治也雍正府志云永淳元年以江都之楊子鎮置楊子縣攷楊子橋在今郡城之南稍西去郭甚邇意唐代之時今郡城之西半分屬於江陽楊子二邑在北者屬江陽在南者屬楊子即以五卞村為兩邑之界故五卞村分屬江陽楊子北半隸嘉甯鄉南半

隸曲江鄉兩誌各據其地書之故不同實則並非歧出也田氏揚州金石志以乍為柞字之省文其說最確蓋五柞者本漢之宮名也

僧本智塔銘

石高九寸九分廣九寸七分十六行行十六字正書

大唐長生禪寺僧本智塔銘

并序

僧本智諱了悟俗姓朱氏乃隋榮國公之襲廣陵人也生有慧殖長則厭俗年十九潔誠薰沐問道於淨慈師□知前因說非法之法玄機通徹已悟三空剃髮受具戒爲比丘僧服忍衣傳□法得除塵世之煩設議敷演三乘說華嚴之道心存普度念棄塵勞正

期淨定超拔三途豈料災生冥冥俄至以乾元二年己亥四月十六日歸窈于揚州江陽縣道化坊之長生禪寺享齡五十道臘四遺命火焚逮塔東偏嘉禾村地內即于其年十月乙亥八日丙辰歸焉爰志塵跡刻茲塔銘 銘曰

嗟呼本智 有生而悟 道宗普賢

窈證三果 脫離苦慳兮歸西土

塔門永閉兮垂千古

誌稱本智為隋榮國公之裔榮國公謂來護兒也護兒於大業中以功進封榮國公事見隋書本傳傳稱其為江都人此誌云廣陵人則亦相合惟上云年十九問道即接云剃髮

為僧而下又云享齡五十道臘四則是至四十六七方出家也疑四上必有脫字

長孫夫人陰堂文

偽唐附

石高寬各九寸八分十一行行十一字字徑五分正書有碁格右行

長孫氏夫人陰堂文

夫人京兆杜氏曾祖之亮隨黃州刺史祖延昌皇朝邛州長史父靈麒麟皇朝盛王文學夫人以哀疾不任踊慕過歲以杖而不起年卅七終於集賢私第孝而見殯有異於曹娥泣血經年頗同於高子未及歸京師權安厝於大塋北十五步之原禮也

寔用聖武二年十月十七日

昔人磨崖多右行取其便於撫摹也墓誌右行殊塵見此文
末云寔用聖武二年中間事行語焉弗詳言夫人以哀疾不
任號慕又不明言因何哀疾篇幅甚簡迺復用曹娥高子等
儼語又不似拙於文者所為又故作右行若未為定本猶待
更正者始有所改而狀耶其用祿山年號或出於萬不得已
也夫人祖延昌按新唐書宰相世系表京兆杜氏太宗朝宰
相淹之裔有延雍字道光疑即延昌弟弟行矣

徐懷隱墓誌

佛無附

石高一尺三寸四分弱寬一尺三寸十六行行十七字字徑五
分正書有舊格蓋高二尺六寸二分寬一尺四寸八分舊佛像

側生無字

大燕故處士徐君墓誌銘并序

君姓徐氏諱懷隱其先京兆人也曰官全稅遂居此焉原夫承將軍英公之後祖文經清濟男夫早閑軍行懷蘓秦之策有李陵之謀忠信以寬明察以惠君忠孝類傑履道無所撫下慈與朋信不意禍堪先地痼疾弥留隙駟不停□從運往以聖武二年□月廿七日殞於私第春秋七十有五以其年十月十六日殞於湯陰縣城西十五里平原祀也長波浩漉東臨御水之清青翠遙峯西對太行之嶺南瞻淇水桃李沅於春朝北望漳濱明月澄於秋夜四望形勝千年佳地嗚呼有子崇斌有花無實秀而不成空列才

名早歸泉壤孫子秀林絕漿七日痛□五情恐陵谷之變遷桑田
成海以旌賢行勒石傳芳銘曰

偉才 徐君芳道德無窮□年長謝芳一代成空

右墓誌字不甚晰宋釋絕難弟五行堪字是基之別體弟七
行私弟不作第殊近古唐已前製作雖甚不足觀卻要有不
俗處即如此弟字是已將軍英公徐勣也勣官左監門大將
軍封於英故稱將軍英公誌云殯於湯陰縣城西十五里平
原下云東臨御水之清西對太行之嶺南瞻淇水北望漳濱
謹按 大清一統志衛水經湯陰縣東南五十里歷濬滑
二縣入內黃縣界隋煬帝導為永濟渠一名御河北云御水

即衡水也太平寰宇記太行山在河內縣北二十五里懷州
理河內縣湯陰縣鄴相州相州西南至衛州一百五十六里
衛州西至懷州三百五十里則太行在陽陰之西矣一統志
淇水逕湯陰縣西南流入衛輝府淇縣界濁漳水經林縣北
又東至涉縣交漳口与清漳合又東經安陽縣北厯直隸磁
州入臨漳縣界湯陰縣北至安陽縣界三十里據地圖漳水
由林涉之間逕安陽之高望山豐樂鎮在漳南岸磁州在漳北岸入臨漳
界適橫穿湯陰正北而過誌云西對太行南瞻淇北望漳以
地形證之愚合按姚汝能安祿山事蹟相州淪陷於賊最久
至德一年八月賊將安守忠等敗於香積寺安慶緒空東都

遁走至湯陰諸將分散過半至相州離散略盡至滏陽設奇計大破官軍仍曳露布號召潰將斬屯集相州是年十月諸賊悉到相州慶緒改相州為安成府大赦境內明年六月郭汾陽自上都赴軍大敗慶緒於衛州城下慶緒走歸相州固守不下直至乾元二年二月史思明入相州縊殺慶緒是為安氏禍亂之終當時漳濱片土入逆藩權力範圍腥羶漸染幾無復反正之思所以長孫夫人陰堂文雖用聖武年號標題尚不著朝代此墓誌則竟稱大燕故處士矣蓋無字蹟面佛側坐團蒲形亦塵見

旬齋藏石記卷二十六

唐十

王君夫人墓誌銘

石高一尺四寸三分廣一尺四寸二
十一行行二十字界有棋格正書

大唐故文林郎王君夫人墓誌銘

并序

夫人雍州乾封人也原夫靈根毓茂秀玉樹之青葱純沚悠長控
珠源而浩汗由是聲塵彤璽冠蓋蟬聯備在方冊可略言矣曾祖
等並抽芒星緯慶雲枝漸鴻陸而遊天激龍津而運海父義通
任秦州上邽縣令牛刀遊刃武城之譽克隆魚躍享蟲萊蕪之芳
式序積善餘慶信而有徵夫人則柏明府第三女也驪川孕彩虹

浦翹姿藻四德而揚芬劬三從而有裕年甫十五適于王氏粉繪
徙鄰之訓財成斷織之規欽若張歲允釐曹誠所謂蘭閨淑慎襲
蘅薄而流芳豈圖夜臺走忽掩泉扃而稀魄與以上元元年歲次
甲戌八月戊寅朔廿二日巳亥寢疾終於德泉里第春秋七十有
一即以其年八月廿九日權殯于長安城西一十五里高峰原禮
也子安仁等風枝結款寒泉增感青烏演地猶未祔於重衾黃壚
啓塋軼分塋於改卜恐丹青歇滅人事推遷爰闡德音式題貞石
其詞曰

龍丘錫祚虹姿絢美猗歟令淑克明終始柔婉自天徽猷在已丹
桂派馥蕤蘭貽祉于嗟如範倏掩芳蓀鵲機絢織鸞鏡塵昏風淒

龍堤月落山門天長地久身繫名存

右誌言夫人雍州乾封人按元和郡縣志京兆郡下云隋煬帝改為京兆郡武德元年復為雍州開元元年改為京兆府唐書地理志長安縣總章元年析置乾封縣長安二年省夫人卒於上元元年此雍州及乾封之名皆已省改若潮夫人生時之州縣書之則於文章之例似有未合說文虫部蠻知聲蟲也又十部肝蠻布也司馬相如上林賦肝蠻布寫及左思蜀都賦景福肝蠻而興作皆言布散之意此言聲塵肝蠻即聲名遠布之謂而用字甚古肝與肝同又老子治大國若烹小鮮說文鮮為魚名出貉國蟲下云新魚精精與鯖同即

以新魚為肴老子烹鮮當作烹鱣久矣此獨能用鱣與肝饗字是撰文者之於小學稍能涉獵烹古與享通非誤字也張藏曹誠指張茂先女史箴曹大家女誡而言禘即禘唐人諱虎字故虎作布古於撰文書石之人必假善者為之此誌之文與書俱善足以傳王氏矣

楊□娘造象記

石象高一尺八寸三分廣一尺記刻於側面高一尺六寸廣三寸五分四行正書

大唐上元二年四月八日佛弟子清信女楊□娘捨施胛服割減微倉為亡夫敬造石像一軀永欽頌祀上為皇帝階下下為法界倉生合家大小咸登正覺佛弟子昭元表供養

右言捨施舛服割減微倉謂斥賣衣服減損倉儲造此佛像
具表其誠然已蹈偶句陋習其中如永作永項作項古禮字
作礼陞作階皆誤字微即微字之俗體

崔夫人張氏墓誌

石高寬各八寸六分十六行行十六字字徑四分正書

太唐故冀州都尉崔府君夫人清河郡張氏墓誌銘

并序

夫人張氏本貫清河人也 高曾祖父代有顯職 夫人孝睦居
心幽閑守性門標樸素禮出閨庭方及笄年歸于崔氏三從謹備
四德有聞內和六姻外睦九族效陶氏之賢依孟家之教忽于寶
應元年歲次壬寅六月廿四日疾終揚州江陽縣德政里私第

夫人享年四十有七生二子一女長曰守訓英敏□孝禮樂無虧
次曰守基尚幼女適姚氏子女泣血歸訴以其年十月六日葬于
城東嘉寧縣平原就府君之塋而合祔焉禮也故刻茲石乃為銘
曰

賢哉夫人 令淑彰彰 和順內積 仁慈外揚 何期逝矣
子女感傷 松柏蒼々 芳含愁 冥路茫々 永別

此崔克讓妻之墓誌也克讓誌石亦感余辭

銘於案嘉賓拜辭當是時
之誤克讓亦拜嘉賓辭

焦唯墓誌銘

石高一尺三寸五分強廣一尺三寸七分弱十九行字數不等正書

唐故將士郎守邠州錄川府長史佳公墓誌并序

公諱璿字潤河內廣平人也蓋夏殷之後古者建德立功因生賜
姓宗氏以茲而起拔派自此而起暨夫溫玉抽□□□□□楊
威於漢魏之代或宣布於齊梁之間其後繼之□雖百代可知也
□隨季蒯淪天下裂亂高祖以義旅□轉元從長安回官平
涼遂為邠土曾祖仁皇□資陪戎校尉祖貞皇勲官上護軍並
積行累德脩辭立誠名播於閭閻之間聲聞於郡邑之內父
在克勤於家克儉於國不失色於人而人敬之不失口於人而人
信之故得聲聞府縣舉動軍州公紉而聰敏詩禮以得於超庭長
而強學□義克聞函杖志學之年旋霑一命之職弱冠之歲望遷
五等之官何畱初慶外移不保南山之壽灾鍾內豎奄歸東岱之

魂以寶應元年十二月十二日遘疾卒于私家春秋廿歎苗而之
有李痛秀而之無成妻子類崩父母傷剖骨之痛今卜遠有期
筮吉遂以唐寶應元年歲次壬寅十二月景午朔廿七日庚辛
殯于邠州三水縣埽義鄉邠邑原禮也父疰悲傷五內哀感四隣
但恐田成碧海水變蒼山故勒石留文以旌年誌云尔 於穆
遠囊輦自周秦惟祖惟孝乃武乃文念子聰敏幼年立身不幸短
命禍降沈淪嚴父切骨慈母割恩哀：慙念泣對孤墳

右按唐書地理志邠州有府十其六曰蟠川蓋折衝府也唐
書兵志折衝府有長史兵曹別將各一人隸字蝕其下半當
是隸字焦君名瑾瑾璵玉光故字曰潤其云河內廣平人按

地理志河內為懷州無廣平縣廣平屬幽州天寶元年析薊縣置頗疑焦君字潤河而誤衍內字不敢遽定誌云夏殷之後按廣韻四宵焦姓周武王封神農之後於焦後以國為氏此云夏殷之後當別有據又云揚威於漢魏之代宣布於齊梁之間按漢有焦贛魏有焦先一經師一隱士不得為揚威南齊書有焦度以軍功封東昌子除游擊將軍以云宣布庶幾近之璿之先世以高祖起義旅元從長安按唐書兵志高祖以義兵起太原已定天下悉罷遣歸其願留宿衛者三萬人高祖以渭北白渠旁民棄腴田分給之號元從禁軍元從之義出於此又按唐故大將軍上柱國郭君碑太宗詔有起

義元從班例加勲之語知唐初故有起義元從班之名並可互證陪戎校尉為唐從九品上之武散階又貞觀十一年改勲官上大將軍為上護軍均見於舊書職官志又司勲郎中掌官吏勲級十轉為上護軍視從三品璫以志學之年已霑一命之職當承其祖父三品資蔭得補勲衛故有此選而後出為折衝府長史誌云歎苗而之有季季是秀字之謠又婁子類崩句有奪誤又云以唐寶應元年歲次壬寅十二月景午朔廿七日庚辛殞於邠州三水縣按通鑑目錄寶應元年十二月乙巳朔廿七日為辛未此之朔日俱誤不得據石以疑史也孝經援神契泰山天帝孫主召人魂魄誌云奄歸東

岱之魂本此

王府君夫人何氏合葬墓誌殘石

石高七寸六分廣三寸四分從闊處定數正書

大唐故兵部□□□王府君

維大曆元年歲在敦牂六月廿一日兵

州易縣穀桑里私弟春秋五十有四建

人廬江何氏卒於易縣崇化里私弟春

合葬於州城東南五里平原禮也嗚呼

□韋□文二子其先太原晉陽人

右依殘石行次錄入新唐書地理志易縣屬易州檢新舊兩

書及宰相世系表通鑑元肅代三朝諸王事迹官閥皆與王君不合此石諱某字某殘泐存其小半而究不能定為誰某不無翳如之歎也

張禪師墓誌

石高一尺四寸寬一尺三寸九分二十二行行二十一字字徑五分正書有墓格

唐故張禪師墓誌銘

并序

香山禪師諱義琬字思靖俗姓董氏河南陽翟人紹嵩岳會善大安禪師智印法歲廿七世齡五十九開元十九年七月十九日長天色慘塞樹凝霜頂白方面赤方右肱枕席左臂垂膝言次寂默奄魂而歸舉體香軟容華轉鮮感瑞嘉祥具載碑錄師未涅槃先

則玄記吾滅度後卅年內有大功臣置寺度遺法居士為僧卅五
年後焚身留吾墓園待其時也果廿八年有文武朝經□國老忠
義司徒尚書左僕射朔方大使相國郭公士額於居士拜首受僧
奏塔梵宮勝乾元寺法孫明演授禪父託塋祖黃金迷德於中書
令汾陽郡王郭公徹 天請号焚塋借威儀所由檢校大庥三
年二月汾陽表曰義琬禪行素高為智海舟航是釋門龍象心超
覺路遠近歸依身歿道存實資褒異伏望允其所請光彼法流其
月十八日 勅義琬宜賜謚号大演禪師餘依擇吉辰八月
十九日荼毗入塔今卅載無記不從大禪翁也行慈悲海得王髻
珠施惠若春研芳吐翠破邪寶劍見網皆除業為學山萬法包納

練行凝寂方能動天塔磨青霄砌下雲起星龕月戶面河背山清
淨神靈庶幾銘曰

行破羣邪 業為學海 戒月青空 心珠自在 塔面長伊
鈴搖岳風 動天威力 無住無空

碑述中書令汾陽郡王郭公表義琬禪行素高勅賜諡號大演
禪師郭字作昧以艸體為楷書也 畢沅中州金石記

按河南通志乾元寺在河南府城西南三十里魏時創建昔在
伊闕東山之嶺明嘉靖間遷於山麓碑云法歲廿七世齡五十
九法歲猶言僧臘世齡猶言世壽皆瓶見此碑又云頂白方面
赤方右肱枕席左臂垂膝此述禪師示寂之象禪師之榻向南

而設其卧向東頂白方者首在西也面赤方者面向南也釋氏示寂以右脇為上故右肱枕席則其面向外而南是側身而逝也他碑述高僧示寂但言右脅而已未有若此之詳盡者禪師臨終有滅度後三十年內及三十五年後之語果於二十八年有相國郭公勝乾元寺大厯三年二月汾陽表請賜號大演禪師按禪師以開元十九年示寂越二十八年為肅宗乾元二年三十五年為代宗永泰二年其云司徒尚書左僕射朔方大使相國郭公勝乾元寺此郭公即郭子儀唐書子儀傳是年留守東都寺僧殆以額請也至永泰二年則吐蕃寇醴泉子儀方屯涇陽與吐蕃戰自無暇為禪師表請賜號据碑載大厯三年二

月汾陽表詞則距禪師之寂三十八年傳載是年三月于儀還河中則二月方自涇陽入朝宜有表請之事也碑下文有四十載無記之語是約畧之詞其實三十八年正與三十五年後之語合也乾元寺勝題于乾元二年未有此勝以前不知此寺何名通志但云魏時創建不云何寺此碑首云香山禪師豈香山是寺名耶

王祖金石萃編

右義琬禪師墓誌銘在洛陽縣乾元寺誌稱禪師諱義琬字思靖俗姓張氏中書令汾陽郡王郭公表請賜大演禪師又云請号焚葬借威儀所由檢校靈都觀張尊師碑云詔為道門威儀使劉尊師碑亦云道門威儀使釋道俱有威儀使兩唐書職官

志百官志俱不載誌前題唐故張禪師禪師稱姓亦始見于此
碑洪頤煊平津讀碑記

右墓誌据中州金石記在洛陽乾元寺東壁誌敘郭汾陽歷
官司徒尚書左僕射朔方大使按唐書郭子儀傳天寶十四
載安祿山反詔子儀充朔方節度使節度使亦稱節度大使至德二載
五月王師敗於潘水子儀詣闕請臯乞降官資乃授尚書左
僕射十月大敗賊將嚴莊張通儒於陝州遂收東都於是河
東河西南郡邑皆平以功加司徒与誌竝合誌云焚葬借威
儀所由檢校臨海洪氏据張劉兩尊師碑謂釋道俱有威儀
使按唐龍興觀石臺道德經用道門威儀司馬秀令天下應

修官齋等州皆于大觀中立石臺刊勒是亦一證唐人稱在官役隸為所由說部別集中屢見之唐書崔咸傳舉觴罰裴度曰丞相不宜與所由咄囁耳語度咲受之誌首稱香山禪師又云紹嵩岳會善大安禪師智印謹按

大清一統志

香山寺在洛陽縣西南二十五里後魏熙平元年建龍門十寺遊觀之勝香山為首萃編引河南通志乾元寺在河南府城西南三十里魏時創建則乾元寺即香山寺無疑三十里與二十五里相差不遠通志殆約略言之耳會善寺在登封縣西北十里本後魏孝文帝避暑宮隋開皇中賜名會善寺元納新河朔訪古記有會善寺碑徐浩八分書中州金石記

有大麻二年會善寺戒壇勅牒貞元十一年會善寺戒壇記

張銳墓誌銘

石高一尺四寸三分廣一尺四寸二分
二十一行行二十二三字不等正書

唐故太中大夫太常寺丞兼江陵府倉曹張公墓誌銘并序

秘書省著作郎錢庭藻撰 父朝議大夫絳州長史張怡書

姊夫朝議郎秘書丞兼鄧州穰縣令李西華題諱

公諱銳字郊侯姓張氏清河人也派引南陽光連景宿儀以縱橫
為秦相禹以經術作帝師盛烈茂勲代有人矣曾祖志邠州洛交
縣令祖彥昇贈鄧州長史父怡朝議大夫絳州長史公絳州之長
子也生則秀異幼而聰敏雅傳黃石之經深得臨池之妙未弱冠

入仕以門蔭宿衛解褐授右司禦率府兵曹至德中充四鎮節度
隨軍判官知支度事轉恒王府掾加朝散大夫轉光祿丞賞有功
也屬西蕃未靜國步猶虞或從幸開東或隨軍幕下尋奉使宣傳

聖旨陷沒賊庭者久之公辯說縱橫權謀應變陳之以禍福
懼之以威嚴既迴有 詔特遷太中大夫蜀王府司馬嘉其節也
公以恭承睿略遠仗 天威於我何功固辭不拜前後三表方允
乃授今任焉由是 恩制授太夫人長樂縣太君礼有崇也以板
輿迎侍于江陵申祿養也公幹於從事清有吏能勤勞自公出納
惟慤且夫奉使不屈忠也揚名立身孝也方期積慶用以成家天
道何常降年不永以寶應二年正月廿五日友歿于江陵府之官

舍春秋廿有七以今大曆九年歲次甲寅三月四日癸卯寔於京
北之鳳栖原從太君之新塋也澹々春雲垂陰陌樹冥々厚夜獨
閔幽泉嗟雨散以風搖空父臨而弟拜銘曰

後生可畏兮誰与為徒 張氏之子兮其庶幾乎

苗而不秀兮有矣夫 庭折芳蘭兮掌碑

太君塋旁兮左愛子 千秋萬歲兮魂不孤

右誌父為子書與姊夫題諱年僅二十有七而重之如此其
例為諸誌所罕見梁氏玉繩誌銘廣例云子孫為祖父撰文
並書金石刻中多有之而父為子撰文並書者惟唐高宗為
太子宏作孝敬皇帝獻德記一事按此誌其父愔為之書是

梁氏所謂一者而竟有二矣銳初官右司禦率府兵曹按唐書百官志此為東宮官屬云龍朔二年改左右宗衛率府曰左右司禦率府神龍元年改曰左右宗衛府景雲二年復曰左右司禦率府其屬有兵曹參軍四鎮節度謂安西四鎮節度考至德時居此官者為李嗣業據唐志節度兼支度使有遣運判官一人銳殆從嗣業為知支度判官其轉恒王據謂恒王鎮也唐志王府官屬有掾一人正六品上其言尋奉使宣傳聖旨陷沒賊庭者久之此事稽之通鑑至德中中使使外者有內侍李思敬與烏承恩宣慰史思明使將所部兵討安慶緒後承恩被殺思明囚思敬一事銳或於此時隨思敬承

恩俱往為史所不載未可知也誌云遷蜀王府司馬考唐書
前後有兩蜀王前有太宗子蜀悼王愔後有代宗子蜀王邕
元肅兩宗子均無蜀王之稱若云此指嗣蜀王愔從者然考
之唐會要嗣蜀王瑜已於開元十二年降封為廣漢郡王不
得復有官屬如司馬者當闕以俟考銳為江陵府倉曹江陵
乃唐南都置有府尹少尹故其屬有倉曹以別於諸郡之名
司倉但倉曹為正七品其太常丞乃寄祿官可得以太常之
五品封其母為縣君百官志五品母妻為縣君以母故曰太君也銳之曾
祖祖父仕履俱無考誌稱銳深得臨池之妙亦隸漢張芝事
題諱即開宋人之填諱而題諱見於唐之刻石如徐浩碑為

其子峴書不忍書親之諱則著表姪河南張平叔題諱此則父為子書石亦不忍書子之諱故其姊夫李西華題之可謂於金石例中別為一格其餘官職與郡縣之隸於唐志者並無岐互故得略之惟誌云從幸關東隨軍幕下按肅宗未嘗巡幸關東此當是指廣平王統率諸將克復東京事銳應此時隨軍追銳葬於大厯九年時廣平王為帝已久撰文者因追書為幸特少書今上二字使人不懷耳

錫齡案西華題諱且國有曾祖祖諱非其父所敢書

王景秀墓誌

石高一尺四寸九分半寬一尺四寸六分十八行行十九字至二十五字不等字徑五分正兼行書有直格四周側互紋闊四分半

大唐故恒王府典軍賜紫金魚袋上柱國太原王府君墓誌銘

并序

公諱景秀字景秀其先太原人也周文之清漢司徒開內侯二十
六代之孫也公早歲從戎文武兼備克和忠孝風骨稟然器宇深
沉用從喻襲清規雅量特立不羣授恒王府典軍賜紫金魚袋異峻
節橫騰天機永烈蒼生有望輔翼邦家何啻天不憖遺奪我忠
善使魂歸野隴魄散異鄉迴望故郊哀同絕嗣悲夫以大厯十一
年八月十三日選疾終於幽州客舍春秋七十有八夫人鉅鏹魏
氏立性溫和秉志貞操婦德備於儀則恭讓逾於古今將謂琴瑟
之義永遠何乃先鍾斯禍悲苦重疊凶疊聚門以大厯十年九月
十三日寢疾終於幽州別業春秋六十有三嗚呼卜地良日啓殯

有期歸葬舊墳合附新觀以其年歲在丙辰八月丙辰朔二十九日甲戌葬於薊城北保大鄉之原禮也長女十三娘次女明德次女端嚴次女淨德等零丁極塞所向無依歸訴於天靡憤肝膽臨穴哀叫五內崩摧恐千載之後陵變谷移刻石紀功銘曰
歸塋伊何兮薊城北愁雲慘慘兮黯無色泉門一閉兮永不開寔
寥幽冥兮云何極衆乾上燕臺傍萬古千秋兮人自傷

右墓誌趙之謙補寰宇訪碑錄黃本驥金石萃編補目並著錄黃云石感長白寅氏誌稱王君其先太原人按陳子昂集申州司馬王府君墓誌十二代祖卓晉常山公主子也始公主湯沐邑在汾陰永嘉淪沒不及南渡因樹松楸而結廬焉

卒葬於長壽原至今鄉有太原之號也王君官恒王府典軍
新唐書玄宗諸子列傳恒王瑱好方士常服道士服從帝幸
蜀還代宗時薨王君亦卒於代宗大厯間與瑒時代政合百
官志王府官親事府典軍二人正五品上副典軍二人從五
品上皆掌校尉以下守衛陪從兼知鞍馬誌云風骨稟然稟
與廩慄凜竝通漢書食貨志可以為富安天下而直為此廩
廩也賈誼傳作稟稟即慄慄危惄也文選揚雄甘泉賡下陰
潛以慘廩李善注慘廩寒兒則又以廩作凜凜本作廩亦稟
廩同用之證漢書循吏傳序此廩廩庶幾德讓君子之遺風
矣注言有風采也即此風骨稟然之誼鉅鹿作鉅鏡與漢尹

宙碑分趙地為鉅鏡北魏魏靈藏造像記願作鉅鏡北叁法
懃禪師塔銘據邑鉅鏡竝同廣均鉅鏡郡名漢書只作鹿薊
城作薊城与唐田義起石浮圖頌薊縣田義起同唐干祿字
書薊作薊銘詞愁雲慘慘兮黯無色色眉作色与漢張遷碑
東里潤色明拓本此四字存史晨後碑作屋塗色鄭固碑色斯自得
吳谷朗碑和顏悅色竝同唐懷仁集右軍書聖教序色皆作
色蓋相承用此字也色从邑即尸字凡从尸之字自漢已還
竝省从尸色作色与印作印同例

李國清墓誌

石高一尺三寸寬一尺三寸五分二十行行十九字字徑五分
正書蓋高一尺三寸一分寬一尺三寸五分二行行二字字徑
二寸五分篆書四周花紋右下角微缺

李公出銘蓋

大唐故殿中監李公墓誌銘 并序

公諱國清字國清貝州臨清人也君乎稟河岳之氣受川澤之奇
袞：令名飄：逸調卅而立負戟從戎雄植天資英秀獨邁蘊仲
尼高侍之封令太丘純懿之才文義亦以潤身名節猶其伯物詩
書琴酒用觀先達之風山水丘園寔為遺老之賞豈啻上蒼匪祐
積染纏病藥石無效奄邁斯逝以大曆十三年□午歲四月丁丑
朔廿七日癸卯權窆於益都縣西原禮也茲地乃前瞻逝水左控
長流右度途原後依橫運州鄉且遠未即言歸致使 魂瘞殊方
□斯窆窆少妻乃推悼歸絕孺子也風樹未攀親戚同悲傷於行

陌裏、孝婦兮泣黃鳥瑟々悲風兮彫白楊縷蟻聚兮泉臺下孤
兒窟兮丘壟傍痛平生之永隔就□□之蒼茫勒石書銘以為詞
曰

人乎在代 百齡者期 幼子歸□ 恩愛長輝 迢々里□

□遇無時 魂遊荒壤 □姻有儀 飛旄翩々 □人居而漸

遠 白楊瑟々 遠孤墳而衆涕 調乖琴瑟 少婦絕攀按之

齊眉 行路不識而咸慟 晉雲無心而共悲

悲下有以為詞曰四字當是後人所

刻

按大曆十三年歲次戊午第八行十三年下泐字當是戊字
無疑詔詞於四字句中參用四六句亦變體

金城郡王辛公夫人李氏墓誌銘

石高一尺六寸五分廣一尺六寸
三分三十行行三十字八分書

河東節度使檢校尚書左僕射同中書門下平章事金城郡王辛公妻隴西郡夫人贈肅國夫人李氏墓誌銘並序

朝散大夫檢校尚書倉部員外郎兼侍御史賜魚袋獨孤愼撰
朝議郎守太子中允武陽縣開國男翰林待詔韓秀實書

夫人隴西成紀人也自保姓受氏為天下先故能世載忠良休烈有光嘉言孔彰此之謂不朽曾祖微明微明生審則皆以肥遯不干于時有儉德而無貴仕審則生儒珪沙州長史夫人即儒珪之長女也天生神惠親戚異之當其櫛緹之歲也服勤教導以詩禮

自處及乎繫纓之年也恭懿端肅以淑慎其身恃此而歸我金城挺穠華弘令則言成禮節行合圖史宗族以之愜敘閨門以之肅穆非夫人之至賢其孰能與於此且以金城當將相之任作心膂之臣或有謀之否臧政之頗類夫人嘗以義制事必考而咨之是以金城終然允臧大揚休命天子聞而嘉之乃下詔

曰李氏宜于室家是稱哲婦致茲勲業實佐良夫可封隴西郡夫人宜其宣寵光膺徽號也非夫人之至明其孰能與於此夫致敬於宗廟盡心於蘋藻貞順之義也睦長幼以序訓娣姒以德禮樂之和也織紵組紃女工也婉婉聽從婦道也莊敬慈慧母儀也昭五美以理內體三從以歸外內外正而人道備矣雖伯姬之守節

敬委之知禮無以尚之非夫人之至柔其孰能與於此而中年體
道知生生之不可以久恃也有離俗之志 金城諭而止之而志
不可奪由是 上聞有詔度為崇敬寺尼法號圓寂以一乘妙
用見諸法皆空非夫人之至精其孰能與於此夫富與貴是人之
所欲也夫人視之猶塵垢秕糠焉則知純德克明不可及也況始
乎從人中於立身終以歸真行之盛也嗚呼哀哉天胡不仁獨與
之靈而奪其壽使貞松落蔭寒泉不流以大曆三年閏六月十五
日寢疾於太原順天寺因歸寂滅時年五十八比以歲時未吉權
厝晉陽以十三年六月十日啟殯西歸有時將葬 聖慈軫念詔
贈肅國夫人備物典策及乎哀榮義之大者以其年七月廿四日

永寔于萬年杜陵之南原禮也

聖上以相府有保人之勲

以夫人有明哲之行護問弔賻用加恒制有子曰浩霜露增感樂
樂棘心孝之至也銘曰

本支茂族百代良家寔維邦媛用配國華才之難得智也無涯霜
凋蕙草風落晴霞天生淑人深不可測克邁乃訓日新其德冀室
風儀梁門禮則慎始敬終溫恭允塞忽悟世諦因歸善緣不留形
管直指青蓮定水自滿真容莫傳應超十地無恨三泉

右誌不載辛公名字以舊新兩唐書考之蓋辛雲京也舊書
雲京傳累建勲勞官至北京都知兵馬使代州刺史鄧景山
統馭失所為軍士所殺請雲京為節度使因兼授太原尹以

北門委之累加檢校左僕射同中書門下平章事新書則言
雲京以代州都督鎮北兵馬使太原軍亂授太原尹進封金
城郡王加檢校尚書右僕射同中書門下平章事大厯三年
檢校左僕射卒俱不言為河東節度使舊書又失載金城郡
王之封檢元和姓纂辛氏金城望下雲京太原尹河東節度
檢校右僕射平章事金城郡王生浩液溶與此誌署銜及後
有子曰浩無不符合於是灼然無可致疑再考資治通鑑唐
肅宗紀寶應元年初王思禮為河東節度使思禮薨管崇嗣
代之為政寬弛上聞之以鄧景山代之諸將怒殺景山請以
都知兵馬使代州刺史辛雲京為節度使此雲京為河東節

度使之證夫以金城勲績爛然此誌歸美夫人抑若金城之
功皆得夫人參懷之力雖尊夫人而於文章體裁殊嫌輕重
失倫且夫人既已塵垢富貴何取撰文者之鋪張揚厲耶況
雲京亦卒於大厯三年舊書言卒於三年八月誌於雲京與夫人先後
同卒略不致悼豈以夫人歸身苦空不與同穴故於其夫勲
伐概從擯汰如此則書夫人法號足矣何必以金城之官階
肅國之號而署為標揭也為子者於此誠不能無過撰文之
人即徇其請而顯有揚抑則不當應之矣唐書宰相世系表
獨孤氏有恤左司郎中元和姓纂韓氏廣陵望下韓擇木生
秀實太子中允撰書兩人俱見於此故附著之

李嘉珣墓誌

石高寬各一尺二寸十七行行十七字字徑五分正書

唐故隴西郡李君墓誌銘并序

君諱嘉珣隴西成紀人也回官遂宅乃為澄陽縣人焉 曾祖諱慈恩石州司馬 祖諱待文 皇朝任宋州司法叅軍邠州長史

父仕異宣州別駕君 皇枝遠胤分派異邦隨官遷居名傳杞梓去天寶壬午正月五日終於官舍春秋六十有八夫人彭氏大曆十三年歲次戊午九月廿七日己巳終蘭閣春秋九十有四三從夙著四德傳芳蘭保氤氲霜霄夏剪以其年十月癸酉朔廿五日丁酉合遷窆於縣西南卅里先祖墳營之禮也東瞻故鄴壯氣

猶存西望太行愁雲友起前臨漳水如逝川而不停却帆平原風
雲以之千里嗣子峯恩年移代改陵谷遷移刊乎貞石析諸不朽
詞曰

春去秋來不相待物華遷兮人事改日居月諸兮時勢流空見山
川兮宛然在

誌稱嘉珎隴西成紀人下云皇枝遠胤分派異邦按新唐書
宰相世系表李氏武陽姑臧兩房出自興聖皇帝隴西李氏
出漢騎都尉陵之裔其皇枝居成紀者當是無人作相故嘉
珎及其先慈恩待文仕異之名不見於世系表其官纂微故
傳亦無之弗可攷已誌云霜宵夏剪宵即宵字北魏張猛龍

碑無怠於夙宵宵即綃字儀禮士昏禮姆纓拜宵衣在其右
注宵讀如詩素衣朱綃之綃霜綃夏剪言嬾工也又云却机
平原机當作机与几通納平原於几筵言氣象廣闊也